



~~Q. 2/14  
b. 2/14~~

1) Werners Anst.

(nebst 2/21)

Patentband  
für Chemiker



12  
Ein Christliche Trost vnd Leichpredigt/  
Von Gottsfürchtiger Obriqkeiten Hoch-  
achtung vnd Wirdigkeit: Von ihrer vnd aller Men-  
schen Sterblichkeit vnd Todt: Vnd / weil alles vergänglich/  
wohin vmb erhaltung willen der Regiment  
vnd vnsers Lebens zu fliehen.

Auß dem LXXXII. Psalmen.

Beÿ dem traurigen Be-  
gänglich / des seligen Abscheids auß die-  
sem Leben / Weiland des Durchleuchtigen / Hoch-  
gebornen Fürsten vnd Herrn / Herrn

V V I L H E L M I,

Landgrauen zu Hessen / Grauen zu Car-  
kenelnbogen / Dieß / Siegenhain / vnd Nidda / &c.  
Christseliger vnd miltter Gedächtnuß.

Gehalten zu Helmwerdeshausen / in gegenwart  
vnd versammlung der Burgerschafft vnd Ges-  
meyne / den 8. Septemb. Anno 1592.

Durch

S T E P H A N U M M A N T E L I U M B.  
Pfarherrn daselbsten.



Gedruckt zu Marburg / durch Paulum Egenolff /  
Im Jahr / M. D. XCIII.



Stephanus

Mantel

455.

## PIETAS

Piissimis Dn. VVILHELMI manibus:

Cūm pius hic princeps ad Olympica regna mearet,  
Et simul astaret *Pietas*, concussa dolore  
Occasum propter generosi principis cheu,  
Talia pro rerum mox conditione locuta est:  
*Iamq̄, ira patuere Deūm: Guilhelmus obiuit,*  
*Optatum vita deseruitq̄, bonum,*  
*Quem probitas, quem sancta fides, quem vivida virtus,*  
*Quemq̄, immortalis nubibus aequat Honos:*  
*Nutritor sacri cœtus, Fotorq̄, Scholarum,*  
*Exilio pressis tuta frequensq̄, manus,*  
*Osor bellorum: quo, res nisi posceret ingens,*  
*Nulla suo strages edita Marte fuit.*  
*Non illi similem viderunt secula multa:*  
*Spes, visura tamen secula nostra parem.*  
*Sanguine namq̄, suo condignus Sanguis & Hares*  
*Mauricius superest: clara propago patris.*  
*Huic Deus immittat spirabile Numen ab alto*  
*Imperet ut patris post pia Fata, senex.*  
Hæc ego, quæ *Pietas* vocor, ex pietate verenda  
Vera loquor, vero nulli sermone nocendo,  
Testor & hoc toto de pectore, voce, styloque:  
Sancte piis Deus hisce meis pius annue votis.

S. M.



3

# Dem Durchleuchtigen Hochgebornen Fürsten vnd Herrn/Herrn Morizen / Landgrauen zu Hessen / Grauen zu Casselnbogen / Dieß / Siegenhain / vnd Nidda / rc. meinem gnedigen Herrn.

**G**ottes Gnad vnd ewigwehrendes Hül in  
Jesu Christo vnserm einigen Mittler vnd  
Gnaden thron / neben Christlicher Ge-  
dult vnd Trost / durch krafft des heiligen  
Geistes / sampt meinem trewen Gebete/  
für E. S. G. vnd schuldiger dienstbarer leistung zu vor:  
Durchleuchtiger / Hochgeborner Fürst / Gnediger  
Herr: Von allen Wercken vnd Ordnungen Gottes/  
die er dem Menschen zu gut in diesem leben gestiftet  
hat/haben wir in Gottes Wort den Bericht: Ob sie  
wol herrlich / schön / vnd vollkommen sind / daß jedoch  
alle Herrligkeit vnd Gewalt in dieser Welt verdorre/  
wie das Gras / vnd verwelcke wie die Blume / vñ bleibe  
dagegen stäht vnd fest die gnade Gottes vnd sein heilt-  
ges Wort / also / daß alle die es hören vnd bewahren/  
ewig selig werden. Wie dasselb ein Christlicher Poet  
in seinem Sapphico sein zusammen gesetzt / vund fol-  
gender gestalt decantiert vnd gesungen hat:

Deut. 32.  
Esa. 40.  
Psal. 103.  
Psal. 119.  
Luc. 11.



Indies verum satis experimur  
 Esse, quod dixit sacer ille vates:  
 Omnis est fœnum, caro, flos, & omnis  
 Gloria mundi.

Sed Dei verbum manet in perennes  
 Seculi cunctos sine fine tractus,  
 Illud asservat bene qui per omne  
 Victitat ævum.

Dasß dem eine Wahrheit sey/bezeuget neben Gottes  
 klare Wort / die tägliche erfahrung: sintemal der bitter  
 Todt keines menschen verschonet / vnd sterben so wol  
 die grossen als die kleinen / vnd widerumb. Vnd ob  
 gleich etliche von Gott wider eyngesetzt werden / der  
 abgetretenen orth zu erfüllen: so müssen sie doch zu sei-  
 ner zeit davon/vnd andere an ire statt kommen lassen/  
 nach dem gemeynen Versß:

Unus post alium, sic sic consumimur omnes.  
 Welchs von anbegin also gewesen / vnd wirdt hinfort  
 also gehen/wehren/vnd bleiben / auß folgenden vrsach-  
 en: Erstlich / daß wir alle von einem Gott auß  
 Leym vñ Erden formiert seyn/ ja alle nacket vnd bloß  
 geboren/vnd in jammer vnd elend auff die Welt kom-  
 men. 1ob. 33. Sihe/spricht Job am 33. Ich bin Gottes eben so  
 wol als du/vnd auß Leymen bin ich gemacht. Im Buch  
 der Weißheit Sal. am 7. steht: Es hat kein König einen  
 an



Vorrede.

andern anfang seiner geburt. Das auch also gemeynnt  
haben wil Augustinus de Doctri. Christia. da er Augustinus  
de Doct.  
Christiana.  
spricht: Ego verò interrogo te sericatum & pau-  
perem pannosum, Non quales in vestitu sitis,  
sed quales nati fueritis: Certè ambo nudi, am-  
bo infirmi, ambo vitam miserrimam incoan-  
tes, & ob hoc ambo plorantes, quando nasce-  
bamini infantes.

Darnach/dasß wir alle sterblich/vnd eins baswelli-  
gen kurtzen lebens seyn/Reiche vnd Armen. Syrach/ Syr. 10.  
da er die kurtze Menschliches lebens beschreibet / spricht  
cap. 10. Was erhebt sich die arme Erde vnd Asche? Ist  
er doch eitel schändlicher kot / weil er noch lebt. ( Dar-  
umb auch bey den Hebreern vnd Latinern Homo ab Homo ab  
humo.  
humo, davon er kommen / vnd dazü wider wirdt / sei-  
nen Namen hat.) Vnd wenn der Arzt schon lange dar-  
an sicket / so gehts doch endlich also / Heut König / mor-  
gen todt / vnd wenn der Mensch todt ist / so fressen ihn  
die Schlangen vnd Würme. Als solches Antonius Antonius  
Tunicus.  
Tunicus fein artig geben /

*Quid cinis & pulvis? quid sordida terra superbis?  
Post obitum colubris fies & vermibus esca.*

Das 14. cap. Jobs durchaus handelt von der kur- Iob. 14.  
zen zeit vnd mühseligkeit des Menschen lebens: darin-  
nen der liebe Job von ihm selbst in tertia persona re-  
det / damit anzuzeigen / Totum genus humanum,

A 3 quan-



quantum ad miseriam spectat, eiusdem secum  
farinae esse.

Job. 17.

Ferner/das alle Menschen verfaulen/zu nichte  
werden/vnd verwesen müssen/Wie saget Job? Die  
Verwesung heisse ich meinen Vatter/vnd die Würme  
meine Mutter vnd Schwester/cap. 17. Ist derhalben  
unfehlbar war/als an den todten beynen zu ersehen/da  
warlich vnter Edlen vnd Bnedlen kein vnderscheid ist:  
vnd sind diszfals alle gleich/wie jener nit unbequemlich  
in der Person der verstorbenen zu den lebendigen  
spricht:

*Quod sumus hoc eritis, fuimus quandoq, quod estis.*

2. Cor. 5.

Matth. 12.

Act. 10.

Act. 17.

Letzlich/das wir alle miteinander für einen Richter  
kommen/vnd für dem rechenschafft thun werden. 2.  
Cor. 5. Wir müssen alle offenbar werden für dem Rich-  
terstuel Christi / auff das ein jeglicher entpfahet / nach  
dem er hat gehandelt bey leibes leben / es sey gut oder  
böse. Matth. 12. Ich sag euch aber/das die Menschen  
müssen rechenschafft geben am jüngsten Gericht / von  
jeglichem vnnützen worte / das sie geredt haben. In  
Actis Apostolicis steht am 10. Er ist verordnet von  
Gott ein Richter der lebendigen vnd der todten. Vnd  
im 17. also : Gott hat ein Tag gesetzt / auff welchen er  
richten wil den kreß der Erden / mit Gerechtigkeit/  
durch einen Mann / in welchem ers beschlossen hat.  
Der



Der Prediger Salomo, cap. 12. in fine: Gott wirdt Eccles. Sal. 12.  
 alle werck für Gericht bringen / das verborgen ist / es  
 sey gut / oder böse. Da wirs heissen:

*Quod sibi quisq; serit presentis tempore vita:*

*Hoc sibi metis erit, cum dicitur, Ite, venite, &c.*

Was nun also von vnserer vnd aller dingen allhie  
 auff Erden vergänglichheit / neben ander 1. mehr / sezo  
 geredet ist / mag wol bey den sichern vnd rohen Leuten /  
 trawrigen mut / vnd nicht bonum vultum machen /  
 welche / wenn sie davon hören / vnd keinen Trost sonst  
 wissen / noch sicherer vnd ruckloser / vnd je lenger je är-  
 ger werden / die wir billich fahren lassen / vnd iusto  
 Dei iudicio befehlen: Aber bey den Gottseligen /  
 rechtgläubigen / vnd buszfertigen Christen finden sich  
 Trost / vnd bekommen freude / wenn sie 1. an der See-  
 len vnsterblichkeit / 2. an die Auferstehung alles verstor-  
 benen Menschliches Fleisches / 3. vnd an das ewige Le-  
 ben gedencken.

Denn es ist gewiß vnd vnleugbar / daß die Seelen  
 der Gottseligen vnd Gläubigen / so auß diesem leben  
 abgescheiden / nicht sterben / werden auch nicht sempit-  
 erno somno herunterdrückt / sondern sind vnd blei-  
 ben lebendig / genießen mit freuden Göttliches an-  
 gesichts vnd gemeinschaft / in gutem friede vnd ruhe /  
 bis sie nach voller zahl deren / die selig werden sollen /

A iiii wis



wider zu ihren leibern kommen / vnd mit ewiger Se-  
 ligkeit vnd Ehren / sampt den leiben / ornirt vnd gezie-  
 ret werden. Sap. 3. Der gerechtē Seelen sind in Got-  
 tes handen / vnd kein qual rüret sie an. Matth. 10. Die  
 Seelen können sie nicht tödten. Matth. 22. Ich bin der  
 Gott Abraham / Isaac / vnd Jacob / Gott ist ein Gott  
 der lebendigen. Matth. 7. redet Christus mit Mose / der  
 für 1500. jaren von himmen gescheiden. Auß den 8. 12.  
 23. cap. Luce / zum Philip. am 1. vnd dem Prediger Sal.  
 am 12. ist in gleichem / daß die Seelen vnsterblich sind /  
 zuuernemen. Vnd redet die Schrifft von den todten /  
 als von schlaffenden / Matth. 9. 1. Cor. 7. 11. 15. 1. Thess.  
 4. Act. 7. 13. Dan. 12. vnd Deut. 21. So sind gewesen /  
 welche den Schlaff haben des Todtes Bruder geheis-  
 sen / als Homerus , Athenagoras : Cicero vnd  
 Ovidius , des Todtes bild. Chrysofostomus sagt:  
 Mortem esse somnum , consueto longiorem.  
 So nu dem also / muß man der Seelen / vt parti ho-  
 minis principaliori, wol vorstehen.

Homil. 5. ad  
 popul. An-  
 tioch.

Die Auferstehung betreffend / ist vngeszweiffelt / daß  
 G D E am jüngsten Tage / durch sein Allmächtiges  
 Wort / aller Menschen leibe wider lebendig machen /  
 vnd dieselbe zu ihren Seelen bringen wirdt / damit sie  
 entweder atroces scelerum poenas mit den Teuf-  
 feln leiden / oder æterna pietatis & rectè factorum  
 præmia



præmia im Himmel kriegen sollen. Von der Auferstehung/ lise man das ganze 15. cap. der 1. Epist. an die Corinthinther. Job spricht am 19. Ich wensß daß mein Erlöser lebt. Esa. 26. Deine Todten werden leben Beweisß hie von im Ezechiele 37. Psalm. 17. auch Dan. 12. Christus saget Joh. 5. Veniet hora, quando omnes, qui in monumentis sunt, audient vocem filii hominis, vnd werden herfür gehen/ etliche zur auferstehung des lebens/ &c. Johan. am 11. wirdt Lazarus Bethanienensis vom Todte erweckt/ vnd sagt daselbs Christus: Ich bin die Auferstehung vnd das Leben. Augustinus vber den Psal. 65. Resurrectionem Christiani novimus in capite nostro jam factam, & in membris futuram: caput Ecclesiæ Christus est, membra Christi Ecclesia. Quod præcessit in capite, sequetur in corpore. Hæc est spes nostra, ad hoc credimus, ad hoc duramus & perseveramus, in tanta malignitate hujus seculi, consolante nos spe, antequam fiat res. Res enim erit, cum & nos resurrexerimus, & in coelestem habitum commutati, æquales angelis facti fuerimus.

Belangend endlich das ewige Leben / ist dasselb ein Anschawung Gottes / da die vom Todt erweckte/ vnd von aller Sünden befreyete Kirch/ selbs das Göttliche

B

liche



liche Wesen vnd Willen / des ewigen Vatters / Sohns /  
 vnd H. Geistes / anschawen wirdt / vnd wirdt auch mit  
 einem neuen ewigen Liecht / mit Warheit vnd Gerech-  
 tigkeit / mit ein seligen Leben vnd ewiger Freude von  
 Gott / der da alles in allem ist / 1. Cor. 15. erfüllet wer-  
 den / vnd dafür Gott widerumb loben / ehren vnd  
 preisen.

Dises hat auch seine gewisse gründe vñ beweisthüm /  
 Joh. 3. Also hat Gott die Welt geliebet / daß er seinen  
 eingebornen Sohn gab / auff daß alle / die an ihn glau-  
 ben / nicht verloren werden / sondern haben das ewige  
 leben. Joh. 6. Disz ist der Wille Gottes / daß / wer den  
 Sohn sihet / vñ gläubet an in / nit werde verloren / son-  
 dern das ewige Leben habe. Johan. 17. Disz ist  
 das ewige Leben / daß sie dich allein waren GOTT /  
 vnd den du gesandt hast / Jesum Christum / erkennen.  
 Vom herzhlichen verlangen / nach dem ewigen Leben /  
 vnd von der grossen unsäglichen freud im selben / spricht  
 der alte Bernhardus also: Si sic amamus istam la-  
 bilem & caducam vitam, ubi cum tanto labo-  
 re vivimus, ubi comedendo, bibendo, dormi-  
 endo, vix carnis necessitatibus satisfaciamus:  
 Multò magis amare debemus vitam æternam,  
 ubi nullum laborem sustinebimus, ubi semper  
 jucunditas, summa fœlicitas, fœlix libertas, &  
 fœlix

Bernh. Me-  
 ditat. devo-  
 tiff. cap. 16.



foelix beatitudo, ubi similes erimus angelis Dei, & fulgebunt iusti sicut sol in regno patris eorum. Qualis, putas, tunc erit splendor animarum, quando solis splendorem habebit lux corporum? Nulla erit ibi tristitia, nulla angustia, nullus dolor, nullus timor, nullus ibi labor, nulla mors: sed perpetua sanitas semper ibi perseverat. Vnd hievon genug.

Alsdann nu/Gnediger Fürst vnd Herr / nach dem rath vnd willen der Göttlichen Allmacht / der weiland Durchleuchtige / Hochgeborne Fürst vnd Herr / Herr Wilhelm / Landgraff zu Hessen / 2c. E. S. G. Herr Vatter / Christmilter gedächtnuß / mit dem zeitlichen Todt abgangen / vnd den Weg aller Welt am 25. jüngst verflonnenen monats Augusti / dieses 92. Jars / gewandert / vnd nach der hand / auff den nechstfolgenden 8. Septembris in seine Schlaffkammer vnd bereytes Ruhe vnd Faulbett / hat sollen bracht werden: Ist von E. S. G. in einem ganz' gnedigen schreiben / ganz' gnediglichem mir mandiert vnd befohlen / auff denselbigen Tag allhie in meiner befohlenen Pfarrkirchen / hochermeltem in Gott entschlaffenen Herrn / meinem gewesenem gnedigen Landsfürsten zum Ehren vnd letztem Dienste / eine Christliche Trost vnd Reichpredigt zu thun.



Ob ich aber wol darzu viel zu vngeschickt vnd gering  
 mich selbs geachtet/vnd mit eins in sinn genommen/solchs  
 von mir begehrt were worden / mein intent auch war/  
 die Fürstliche Sepultur vnd trawrigen Actum in  
 der Person anzusehen / vnd auß rechtgründiger Liebe  
 vnd schuldigem mitleiden/mit der nachfolge / auch vn-  
 erfordert/zu condecoriren: Hab ich dem gnedigen  
 E. S. G. gesinnen / nicht detrectiren noch absein sol-  
 len/vnd also in aller vnderthänigkeit gerne vnd willig  
 gethan/was ich nach meiner einfalt vermügt / vnd in  
 wehemut herfür bringen können: Dazu denn die drey  
 letzten Versickel des 82. Psalmens gebraucht/vnd / als  
 viel der fromme Gott geben/gehandelt worden.

Nun dieselbige Leich oder Begängnußpredigt / ha-  
 be in E. S. G. Namen ich in offenen Truck geben / vnd  
 deroselbigen zuschreiben vnd vberschicken wollen: Nit  
 allein darumb/das sie wissenschaft hett / was damals  
 geredet/vnd wie es hie zugegangen / sondern das gegen  
 die grosse gnad vnd gutthat von E. S. G. mir vnver-  
 dienten erzeigt / ich aliquam grati animi signifi-  
 cationem bezeugete. Vnd were ich ein vndanckbar  
 Mensch/sa ein vntträgliche last der Erden/wie die Hey-  
 den gesagt/wenn ich deren solte vergessen.

Denn se wahr/das bey lebzeiten des Durchleuchti-  
 gen / Hochgebornen Fürsten vnd Herrn / Herrn Phi-  
 lippen



lipfen des Eltern / Landgrauen zu Hessen / ic. E. F. G.  
 Herrn Elter Batters / hochlöblicher gedächtnuß / da  
 man schriebe 65. ich zu erst durch erbarer Leut promo-  
 tion ins Fürstenthumb Hessen kommen / vnnnd der  
 Schulen zu Grebenstein zwey jar gedienet: Im jar 67.  
 als E. F. G. Herr Batter (seliger) regierender Fürst  
 worden / bin ich mit seiner F. G. gnedigen Consens,  
 gen Silo im Ampt Drendelb. an die Pfarz / mit ver-  
 willigung der Wolgeborenen Grauen vnd Herrn zu  
 Waldeck / als Collatorum, gesetzt / vnd ins 15. jar all-  
 da gefessen: Bisß durch schickung Gottes in Anno 81. ich  
 in mein patriam gen Burgentreich / ein kleine meil  
 davon / legitimè, ab Ecclesia daselbs / zur Pastoren  
 beruffen / welechs der Hochwürdigste / Durchleuchtige /  
 Hochgeborne Fürst vnnnd Herr / Herr Henrich / Erzbis-  
 schoff zu Bremen / ic. Administrator zu Oßnabruck  
 vnd Paderborn / Herzog zu Saren / ic. mein gnedigster  
 Herr / seliges gedencens / dermassen ihme gefallen las-  
 sen / daß auch E. F. G. Herr Batter / auff Hohermel-  
 tes Herren gegebner Hand vnnnd Sigil / seinen gnedi-  
 gen / vnd seiner F. G. Superintendens / der Ehrwür-  
 dige / ic. Herr M. Bartholomæus Meyer / seinen  
 günstigen willen darzu geben.

Als ich aber daselbs ins dritte jar mich gehalten / viel  
 Anfechtung vnd molestias gehabt / vnd vmb der rey-

B iij nen



nen vnverfälschten Lehr vnnnd Exercitii willen Augspurgischer Confession, ( darauff ich angenommen vnd bestellet ) wider zuversicht vnnnd beschehene amplissimas promissiones, abstehe[n] müssen / da ich gleichwol meine Auditores muß entschuldigen: So hat E. Fürst. Gnaden Herr Vatter / mich / der ich anderthalb jar dienstlos / widerumb ins Land genommen / die Pfarr zu Hompressen / im Ampt Zapfenburg / Anno 85. am Tage Michaelis / mir auß gnaden geben / welche ich nur ein Monat bedient / vnd bald auß rath vnnnd gut achtung des H. Ministerii anhero gen Helmershausen transferirt worden.

Diesem allem nach auch war / da E. F. G. Anno 90. ich ein Lateinische Supplication im wilden Walde / neben einer Deutsche an E. F. G. Herrn Vatter / offerirt, hat sie dieselb gnedig angenommen / gnedig mit mir gesprachet / vñ gnediglichen gen Zapffenburg zu folgen befohlen / bin zu Hoff mitgangen / vnd clementissimè excipirt. Wie in gleichem gewisz / als meine gnedige Fürsten vnd Herrn allbeid / Anno 91. Sontags Jubilate / von Wolffenbüttel hero durch vnser Statt gezogen / haben ihre F. G. alsbald sie mich gesehen / gnediglichen mich salutiert vnd angeredt. Folgenden Tag im Abzug von Zapffenburg / hat viel hochg. E. F. G. Herr Vatter mich gefordert / vnd nach allerley gepflor gener



gener vnterredung/auch De Baptismo, & de Pædo-  
baptismo/vnd vom Exorcismo zu differieren an-  
gefangen/darauff ich/als vil in der eile geschehen kunt/  
geantwortet/das E. S. G. gnedig zu frieden. Vorauff  
denn der vorschlag mit der Pfarr Zinnenhausen ge-  
schach/vnd were / wenns Gott versehen hette / vnd nit  
das Hauskreuz mich gehindert/vorsich gangen. Dis  
sind zwar gewisse vnd vnfehlbare indicia gewesen/  
gantz gnediger Herrschafft. Solt ich nit danckbar seyn?

Bitte derhalben gantz demütiglichen vnd viel  
dienstlich/E. S. G. wölle diese meine ringsfügige Arbeit  
in Gnaden annemmen / das Hertz mehr als das werck  
ansehen / vnd mein gnediger Herr seyn vnd bleiben.  
Der Allmächtige GOTT vnd Vatter im Himmel/  
der Vatter aller Barmherzigkeit/der Gott alles Tro-  
stes/wölle E. S. G. sampt den Fürstlichen Fräwlin/vnd  
ganzem Fürstlichen Hause Hessen / alle Befreunden  
vnd verwanten/trösten/kräftigen/gründen : Wölle  
auch E. S. G. zu seho angehender Lands vnd Leuten Re-  
gierung/seinen Göttlichen/reichen/milden segen/glück  
vnd allen wolstand verleihen / das es all zu seines hei-  
ligen Namens Ehren / zu erbauung der Kirchen / vnd  
zu fortpflanzung reynner vnd gesunder Lehr/gerenchen/  
vnd wir alle ewig selig werden mügen / durch Jes-  
sum G H X J S E V M / Amen. Geben zu Helmers-  
B iiii hausen/



16

Vorrede.

hausen/am tage Mauricii / des Obersten Hauptmans  
des Thebanischen Kriegsvolcks / war der 22. Septem.  
Anno redemptionis nostræ 1592.

E. F. G.

Vnderthäniger Diener

Stephanus Mantel / Pfarhere  
zu Helmershausen.

Leich





Leich vnd Trostpredigt.

Leichpredigt.

Gnad/Fried vnd Trost/von Gott dem Vatter/  
durch Jesum Christum/im H. Geist / Amen.

**U**rumb wir vns dismal ( Geliebte im  
Herrn/in zimlicher guter anzahl versamlet/vnd an-  
hero verfügert haben / ist ewer liebe / ohn mein erin-  
nern/bewust/vnd wol bekandt. Wanns nun an de-  
ne / das nach dem heiligen Willen vnsers Herrn  
Gottes / der Christliche/Hochlöbliche vnd fromme  
Fürst / Herr Wilhelm/Landgraff zu Hessen / 2c. vnser angeborner  
liebster Landherr/lobseliger gedächtnuß / vernünfftiglich vnd selig-  
lich/in warer Anruffung vnd Bekanntnuß vnsers Erlösers Jesu  
Christi/sanfft vnd stille/in friede dahin gefahren/vnnd der Todt sein  
Schlaff worden ist: Sein Fürstlicher Leichnam aber auff diesen tag/  
vnd zu dieser stunde/Christlichen vnd Fürstlich zu seiner Ruhe beleit-  
tet/geleget/vnd bestätigtet werden sol. So sind wir billich / das er von  
vnsern augen weggenommen / herzlich vnnd schmerzlich betrübet/  
vnnd demnach auß treuem gehorsam / vermüge auch empfangenes  
befehlchs / seiner F. G. die letzte Ehr zu thun/vnd sie mit einer Christ-  
lichen Leichpredigt zu begehren schuldig.

Wollen also/damit wir auß Gottes heiligen Wort/ etwas der  
hohen Maiestet Gottes zu lob / vnd zu vnser selbs erbawung anhör-  
ren mögen/das vnser schmerz gelindert/vnd wir in diesem trawrigen  
vnnd hochschädlichen Falle getröstet werden / den barmherzigen ges-  
treuen Gott im Namen seines Sohns Jesu Christi / vnnd rechtem  
vertrauen auff denselbigen / demütiglich zuvor anruffen / vnnd bit-  
ten/er wolle die Gnad seines heiligen Geistes hierzu vns verleihen.  
Erhebt derwegen mit mir ewere Herzen zu Gott/betet/vnd sprecht/  
Vnser Vatter/2c.

E Der



## Der LXXII. Psalm.

Ein Psalm Assaph.

1. **G**OTT stehet in der gemeyne Gottes / vnd  
ist Richter vnter den Göttern.
2. Wie lang wolt jr vnrecht richten / vnd die Pers  
sonen der Gottlosen fürziehen? Sela.
3. Schaffet Recht den Armen / vnd den Waisen /  
vnd helfft den Elenden vnd Dürfftigen zum Rechte.
4. Errettet den Geringen vnd Armen / vnd erlö  
set ihn auß der Gottlosen gewalt.
5. Aber sie lassen ihnen nicht sagen / vnd achtens  
nicht / sie gehen immer hin im finstern: darumb müssen  
alle Grundfeste des Landes fallen.
6. Ich habe wol gesagt: ihr seyd Götter / vnd all  
zumal Kinder des Höhesten.
7. Aber ihr werdet sterben wie Menschen / vnd  
wie ein Tyrann zu grunde gehen.
8. Gott mach dich auff / vnd richte das Land /  
denn du bist Erbherr vber alle Heyden.

Auslee



## Auslegung.

**D**er heilige Mann Gottes / vnd Prophet Jeremias / Geliebte im Herrn / da er den erbärmlichen Zustand der Stadt Jerusalem vnd des ganzen Jüdischen Volcks beweynet / spricht kläglich vnd mit seuffzen im 5. cap. seiner Klaglieder / vnter andern Thren. 5. also: Die Kron vnser Hauptes ist abgefallen / O wehe / daß wir so gesündigt haben. Dis sind warlich ganz trawrige rede / vnd durch auß klägliche Worte / welche / wenn wir sie recht vnd genaw ansehen / auff gegenwertigen vnsern hochbetrübtten Zustande vnd gemeynen Jammer also gedeutet werden können / daß wir in vns selbst wol schlagen / vnd deren in ihrer forma vngedeutet / mit weynen vnd klagen / gebrauchen möchten. Denn se / leyder / war / vnd viel zu war / daß die Kron vnser Hauptes / der Durchleuchtige / vnd Hochgeborne Fürst vnd Herr / Herr Wilhelm / Landgraff zu Hessen / Graff zu Casenelnbogen / Dieß / Ziegenhain vnd Nidda / ic. vnser gnediger Fürst / vnd wolverdienter liebster Herr vnd Landsvatter / abgefallen ist / so als der Allmächtige Gott nach seinem vnwandelbaren vnd vnerforschlichem / doch gnedigen vnd väterlichen willen / ihn auff jüngst verschieenenen 25. Augusti / diß lauffenden 92. jars / zwischen 6. vnd 7. horis / gegen abend / auß diesem zergänglichem trübseligen / in das ewige freuden Leben zu sich erfordert hat: Dadurch denn vnser gnedige Junge Fürstliche Herrschafft / vnd die gnedige Junge Fürstliche Fräwlin / in nicht geringe Trawrigkeit nicht allein gesetzt / sondern auch / wenn ihre F. G. dessen vor eilff jaren verlustes ihrer aller liebsten Fraw Mutter / Fraw Sabinen / geborner Herzogin zu Wirtenberg / ic. heiliger gedächtnuß / gedencen / nunmehr ganz Vatter vnd Mutter los / vnd also Waisen worden. Wir armen Vnderthanen haben vns freylich versündigt / vnd solche veränderung verursacht / möchten wol dem Propheten Jeremia nachbuchstabiren / vnd



1 hren. 1.

Sprechen: Euch sagen wir allen / die jr fürüber gehet / Schawet doch vnd sehet / ob irgent ein schmerke sey / wie vnser schmerken / die vns troffen haben.

Ephes. 2.

Psal. 144.

Ephes. 4.

Esa. 56.

Ob nun aber nach dem lauff dieser Welt / vnd nach dem Fürsten / der in der lufft herrschet / nemblich / nach dem Geist / der zu dieser zeit sein Werck hat in den Kindern des Unglaubens / allerley Gottlose Menschen vnd frembde Kinder / wie sie der 144. Psalm heist / deren verstand auch verfinstert ist / vnd sind entfrembdt von dem Leben / das auß Gott ist / Ephes. 4. sich finden / welche diesen Unfall nicht groß achten / vnd denselben calum von ohngefahr vñ zufälliger weise / geschehen / oder / daß der fromme Fürst / seines durch Gott erlebten Alters / vnd leibs vüvermüglichkeit halben / länger nit hett leben können / deuten werden : Sollen jedoch wir solches nicht eins gedencen / viel weniger vnsern Mund davon auffhün / sondern von denen vns absondern / vñnd hüten / daß wir nicht vnter dem hauffen derjenigen seyen / vber welche der Prophet Jesaias klaget / vnd sagt / Justus moritur, & nemo considerat, Der gerechte kompt vmb / vñnd niemand ist / der es zu herken nemme / heilige Leut werden auffgerafft / vnd niemand achtet drauff / denn die gerechten werden auffgerafft für dem Unglück / vñnd die richtig gewandelt haben / kommen zu friede / vnd ruhen in ihren Kammern. Mit welchen Worten Esaias zeuget / daß es ein grosse vnwissenheit sey / nicht wissen den vnterscheid zwischen dem Tode der Gottseligen vnd Gottlosen / vnd / warumb der Todt nicht allein die Gottlosen / sonder auch die Gottseligen hinreisset vnd würget. Zeugt fermer / wofür wir den tödtlichen Abgang / Christlicher / hoher / nützer vñnd wolverdienter Leut halten / vñnd was wir dabey betrachten sollen. Derhalben so nennet er sie Gerecht vnd Heilig / daß wir bedencen / wer die sind / so von vns hingenommen / vñnd was wir an ihnen gehabt: Sagt auch / sie werden hinweg gerafft / da man ihrer am besten vnd höhesten zu thun : Vnd zwar für dem Unglück / daß wir gedencen / solches geschehe auß sonderlichem Rath Gottes / vnd sey ein præambul vnd vortrab fünfftiges vbel. Schet lezlich hinzu /



hinzu/das die Gerechten / vnnnd die richtig gewandelt haben / auß diesem müheseligen Leben / in qua etiam quod optimum esse debet, nil nisi labor & molestia fuit, zu friede gebracht / vnnnd recht wol ruhen werden. Vnd mit solchen gedancken wil **GOTT** / das seine gläubigen ombgehen sollen. Pfal. 90.  
Syrac. 18.

Damit wir dann nun die im anfang gemelte klägliche rede des Propheten Jeremie / vnd diese jeso mit eingeführte Klage vnd sage des Propheten Jesaie zu gemüht führen / vnd nach denselben vnserer herren gedancken reguliren vnnnd anstellen mügen / so offt sich solche fälle zu tragen : Ist der zwey vnnnd achzigste Psalm darzu sehr dienlich / vnnnd zu der behuff verlesen / welcher ist einer von den vornembsten Psalmen / vnnnd darumb mit fleiß zu mercken / als dieweil ihn / wie die Überschrift zeugt / Assaph gemacht / der nit ein gemeiner / sondern ein fürnemer Musicus vnnnd Sanger im Tempel zur zeit Davids gewesen / ein Sohn Berachia oder Barachia / vnd der vierzehende von Leui / auß der Gersoniter Geschlechte : als davon 1. Para. 5. 16. 25. vnd 2. Para. 31. 35. Vnd hat dieser Assaph ganz eilff Psalmen / als den 50. 73. 74. 75. 76. 77. 78. 79. 80. 81. vnd 82. verlasen / wie dann sein Nam ober einem jeglichen notiert ist. In gedachtem 82. Psalm / thut der heilige Geist / der ihn diesem Assapho eingeben / vnd also zu sagen / in die fedder dictiert hat / ein schön herrliche Predigt von der Oberkeit / vnnnd vermanet sie zu fleissiger wartung ihres Ampts / vnnnd das sie den Armen sol helffen : wo nicht / so wolle sie Gott zerschmettern vnd stürzen.

Auff das wir aber / lieben Christen / ohne Lehr / Vermahnung / vnd Trost / bey dem trawrigen Begängnuß des seligen Abscheids auß diesem Elendsthal des viel hochermelten vnsers gewesen treuwen Landsfürsten / voneinander ja nicht gehen : So laßt vns den abgelesenen Psalmen vor die hand nemen / vnd weiter nach wurde gänzlich vnd allerdings nicht fang handelt werden / wollen wir allein die drey letzten Versickel / schlecht hin / vnd nur erinnerungsweise / erklären / vnd dahero diese Predigt in drey stücke abtheilen :

E iij 1. Das



## Reich vnd Trostpredigt.

1. Das erste sol seyn/das Gottsfürchtige Oberkeit vnd Regenten/nicht schlechte noch gemeyne Leute/ sondern Götter vnter den Menschen/vnd Kinder des Höhesten seyn.

2. Das ander/Ob wol Oberkeit vnd Regenten von Gott selbs in solche präeminenz vnd Hoheit gesetzt/ das er sie doch wie andere Menschen werde sterben lassen.

3. Das dritte: Weils mit vns Menschen allhie auff Erden so gar vnbeständig/ wo vnd bey wem wir gewissen schutz vnd erhaltung Regiments vnd Lebens billich suchen.

Von diesen dreyen stücken fruchtbarlich zu handeln/ verleihe vns Gott seinen heiligen guten Geist/Amen.

## Das erste Stück.

Ich hab wol gesaget/spricht Assaph, Ir send Götter/vnd allzumahl Kinder des Höhesten.

Pfal. 49.

Pfal. 111.  
Iob. 4.  
4. Efd. 1.

Pfal. 104.  
Syr. 39.  
Sap 13.

**G**roß ist der Herr/vnd hoch berühmt/steht im 49. Psalm. vnd die Wercke/so der Herr vnser GOTT vnter vns Menschen thut/sind groß/wunderbarlich/vnnd vnbegreiflich/ Psalm. 111. Iob. 4. vnd 4. Es. 1. Was er auch vnter vns ordnet vnnd stiftet/ das ist alles löblich vnnd herrlich/Die Werck seiner hände sind Wahrheit vnd Recht/ an welchen er seinen wolgefallen hat / Psalm. 104. Sprach. 39. Denn je an der grossen schöne vnd geschäfte / derselbigen Schöpffer / als im Bilde / erkennt werden kan / Sap. 13. Et levis est cespes, quæ probat esse Deum, sagt der Poet.

Solche Stiftung aber vnnd Ordnung des grossen Gottes/ sehen vnd erkennen nicht alle Menschen / sondern allein die jenigen/ welche acht darauff geben / vnd sie recht anschawen. So hat nun Gott der Allmächtige drey Stände im Menschlichen Geschlechte / als fundamenta vnd grundfeste communis hominum vitæ geordt.



geordnet: Darumb sie auch ehrene Thüren/vnnd eiserne Kiegel/ ja Kiegel seiner Thor/Psalm.107. Esa.45. vnd Psalm.147. genennt werden. Der erste Standt/ist das Lehr vnd Predigamt: Der ander/die Weltliche Obrigkeit: Der dritte/das Haußregiment.

Vnd ob gleich diese Stände / Gottes Ordnungen sind / vnnd ohne dieselbigen/Menschlich Gemeinschaft nicht kan erhalten werden: sind doch Menschen / die daran keinen oder kleinen gefallen tragen/vnd denselben sich opponiren vnd widersetzen. Wie darüber die Lehrer in den Kirchen vber ihre vnwillige zuhörere: Die Oberkei- ten in ihrer Regierung vber die vngehorsame Vnderthanen: Die Haußväter /vber ihrer Kinder vnnd Gesinds vngehorsam vnd vn- trew/klagen.

Zu sehen aber / daß die Weltliche Regenten / für den Predi- gern/so nicht von dieser Welt/Johan.15. vnd Haußleuten / denen es Ioh.15. oft an Wein gebricht / Joh. 1. etwas ansehenlicher sind: Ist's gleich Ioh.1. wol an deme / daß sie so wol als die Vnderthanen nicht allwege lust haben: Das denn alles daher kompt / daß beyderseits nicht so ges- stracks dieser Standt wirdt in acht genommen / vnd der Sathan/ ein feind/zerstörer vnnd hinderer aller Ordnung **G D E S** / mit seinem bösen Samen vnnd Unkraut hinein fellet.

Wie aber die Oberherren hie richtig fahren mügen / daß sie ihren Oberkeits Standt recht führen / vnnd zu waser dignitet vnnd würde sie für andern erhaben/bedencken: Auch die Vnderthanen wiss- fen/wafür sie ihren Magistrat halten / vnd wie sie dieselb ehren solle/ damit sie auff beyden theilen Gottes löblich Werck erkennen / vnnd dazu fremd vnnd willen gewinnen: Solchs lehret der Author dieses Psalms/vnd weist vns auff Gott vnsern Herrn: der spricht also/ Ich habe gesaget/ihr seyd Götter/vnd allzumal Kinder Gottes / das ist/ Ich bin der Allmächtige vñ Allwissende Gott/der ich all creaturen/ Exod.7. & 12. visibiles & invisibiles, durchs Wort geschaffen hab/vnd durch solch mein kräftig vnd mächtigs Wort für vnd für alles trage vnd erhalte: Hab durch mein vnaußsprechliche Weißheit/Allmacht/vnnd Güte/



Regere &  
regi.

dies: ordnung vnter den Menschen auffgerichtet/das etliche regiren vnd herrschen / eil. che den Regirenden vnd Herrschenden parieren vnd gehorsam seyn müssen. Vber dieser meiner Ordnung halte ich/ vnd thue sie wider den Teuffel vnd aller Gottlosen toben schützen/2c.

Rom.13.  
Dan.2.

Prov.8.  
Sap.20.

Psal.144.

Cur Magi-  
stratus vo-  
centur dii &  
filii altissimi  
omnes.  
Sap.6.

Das derwegen Königreich vnd Fürstenthumb / Landschaft vnd Städte/ihre ordentliche Regenten haben / vnd die Regimenten ordentlich gefasset sind / non fit temerè, geschicht nicht ohn vrsach/ auch nicht auß der Herren selbs gewalt / wie in gleichem nit nach der vnderthanen arbitrio vnd willen / quibus inconstantius & mutabilius est nihil, sondern ist ein Werck vnd Ordnunge Gottes / als zun Rom.am 13. steht/es ist kein Oberkeit/ohn von Gott. Vnd Daniel.am 2. Gott richtet auff/vñ verändert Königreich. Im Buch der Sprüchen Salomonis s. steht: Per me reges regnant. Im Buch der Weisheit am 20. heisse: Ein hörend Ohr / vnd ein sehend Auge/ macht der Herr beyde. Das ist/das ein Regent ein ansehen hat / vnd weyß/wie mit Raht vnd Weisheit den sachen bezukommen: Das die vnderthanen den Regenten williglich folgen / ist lauter Gottes Werck. Es wil aber der Psalm mit diesen Worten : Ich hab gesagt/jr seyd Götter/2c. klar/vnd als mit fingern/die Lehnherren/vnd die Lehnmänner / ihrer pflicht vnd danckbarkeit erinnert haben / als wolt er sagen: Von euch zwar vnd ewerer Weisheit vnd Gewalt rüren nicht noch köffen her die Regierung vnd Herrschafften/sondern von mir / qui Rex sum Regum, & dominantium Dominus : als seht auß Paulo/Daniele vnd Salomone gehört/vnd sagt der 144. Psalm/ Der du den Königen Sieg gibst.

Das nu Oberkeit vnd Regenten/Götter vnd Kinder des Höhesten geheissen werden: Geschicht erstlich von wegen des Allmächtigen Gottes/der sie geordnet hat / als zu sehen in libro Salomonis Sapientiaè verè aureo, & omnium bonorum lectione dignissimo.am 6.cap. So höret nun jr Könige / vnd mercket / lernet jr Richter auff Erden/Nemet zu ohren die ihr vber viel herrschet / 2c. Denn euch ist die Oberkeit gegeben vom Herren / vnd die Gewalt vom Höher



Höhesten. Vnd Josaphat sagt/2. Para. 19. zu den Richtern: Sehet zu was jr thut/denn jr haltet das Gericht nit den Menschen/ sondern dem Herrn/vnd er ist mit euch im Gericht. Darnach/von wegen des Ampts/das sie an Gottes stadt führen/denn sie vber deme / was Göttlich vnd Recht ist / halten sollen / vnd dahin vornemblich sehen/ ut sint ὑπὲρ τῶν καὶ ἐξήγηται μεγάλης δικαιοσύνης Ἐ θεῶν, prout Græci locuti sunt, ministri & interpretes magnæ justitiæ Dei, daß sie seyen Diener vnd Vnderthänder der grossen Gerechtigkeit Gottes.

O mira Dei gratia, cum solus sit verus & substantialiter Deus, non invidet participium sui nominis hominibus. lo. de tur. cre.

Diß sollen wir fleissig mercken/wider Marcionem, Manichæum, die Widertäufer/vnd andere Fladergeister/welche zwar anders nichts/denn nur diß/vns fürwerffen: Was vnrecht ist/gefelt Gott nicht: In Regimenten geschicht viel vnrechts: Drum gefallen die Regimenten Gott nicht. Dagegen wir wissen sollen / wenn man sagt/die Oberkeit ist von Gott/oder ist ein Ordnung Gottes: Das wirdt verstanden / vom Stande vnd Ampt der Oberkeit an ihm selbst/vnd nicht von der ἀταξία vnd vnordnung / so vom Teuffel vnd dem bösem böser Regenten willen kompt. Denn es schilt vnd straffet Gott die Sünd vnd Vnrecht/an Oberkeit vnd Vnderthanen / vnd dräwet ihnen poenas atrocissimas, schwere Straffen / wie klärlich zu sehen im 6. cap. Sap. welchs freylich ein deutliche erklärung ist des 2. Psalms/der daher auch Epitimaticus oder increpatorius / das ist/ein Straffpsalm nit vnbequemlich mag geheissen werden.

Resp. Conclusio non plus assumat, quam præmissæ largiuntur.

## Lehr auß diesem Stück.

Zum ersten/werden alle Christliche Regenten vnd Oberkeit gelehrt / daß sie selbst sich kennen / in sich selbst gehen / vnd an ihnen selbst den anfang machen/wer vnd was sie seyn/vnd wer sie zu solchen Hauptern gemacht habe/Nemlich Gott im Himmel / der irer Seelen vnd Leibs macht hat / für demselbigen sich demütigen / vnd die Hoffart meiden. Denn man offte erfahren / daß viel von den Mächtigen auff Erden/sich in ihrer Herrlichkeit erhebt/vnd/daß sie bawfällige

D lige



Esa 14.  
Dan. 4. & 6.  
Theodosius  
Imp.

lige Menschen weren/vergessen haben/ wie Esaias vom Könige zu Assyrien/ vnd Daniel vom Könige Nebucadnezar / vnd König Dario/melden/welche alle gestrafft worden : Vnd hat man der Exempel in Historien viel. Glück aber vnd Segen ist bey den Gottsfürchtenden vnd Demütigen/ Wie vom Keyser Theodosio geschrieben/ daß er Eugenium vnd Arbogastum, als Feinde der Kirchen Christi/ in einen grossen streit vberwunden habe : Vnd sind ihm die Winde mit ihren flatibus vnd prausen zu hülff kommen/so den feinden zu wider sich erzeigen. Daher Claudianus sagt:

*O nimium dilecto Deo, cui militat ether,*

*Et conjurati veniunt ad classica venti.*

Marcus  
Aurelius  
Imp.

Eusebius lib. 5. Eccles. Histo. cap. 5. schreibt/ als Marcus Aurelius der Keyser / mit Kriegsheer in Germaniam vnd Sarmatiam gezogen/ vnd das Volck in grossen mangel stunde / Da haben die Christen mit irem Gebet erlangt/ daß Donner vnd Blitz die Feinde flüchtig gemacht/ vnd ein milder Regen sein Kriegsleut erquicket hat/vñ sey hernacher dieselbe Schaar Legio fulminea geheissen. So gehts her/ wenn die Gottlosen/ sichern vnd stolze meynen/ sie seyen sicher vnd sorgen frey/ alsdenn ist ihr interitus vnd vnglück am nähesten.

1. Theff 5.

Sap. 7.

Psal. 51.

Tit. 3.

Zum andern/ werden hie alle Vnderthanen gelehrt/wafür sie die gewaltigen auff Erden/ Keyser/ Könige/ Fürsten vnd Herrn halten sollen/ Nemlich davor/ ob die grossen Leute so wol Menschen sind als andere: auch ihrer Substanz/ Wesen/ vnd natur halben/ als andere Menschen/ vnd also ( außgenommen ihr Ampt ) in die zahl anderer Menschen gerechnet werden/wie auß dem 7. cap. der Weisheit Salomonis zu erschen/ vnd David von sich selbst bekennet/ Sihe/ ich bin auß sündlichem Samen gezeuget/ vnd mein Mutter hat mich in Sünden empfangen: Daß sie gleichwol dieselbigen vor Gottes Vicarien vnd Statthalter ehren vnd erkennen/ allen schuldigen vnd gebürlichen gehorsam leisten/ vnd Gott für sie bitten/ daß wir ein gerühlich vnd stilles Leben führen/ in aller Gottseligkeit vnd Eubarekeit.



keit. Fürchte den Herrn vnd den König / spricht Salomon / vnd  
menge dich nicht vnter die auffrührischen. Welche aber auffruhr vnd  
meuterey anrichten / ihre Regenten verachten / verfluchen / vnd  
schmähen / wie dann Lucianica illa *diabolū* allenthalben jekt vmb sich  
frisset / in denen ist nichts guts / sind Ehr vnd Trew loß / vnd sind pro-  
ditores societatis, amicitiae & civitatum. Dafür hüte sich ein jey-  
derman. Vnd ist das also das erste stück.

## Das ander Stück.

Aber ihr werdet sterben wie Menschen / vnd wie  
ein Tyrann zu grunde gehen.

Was ist's / daß von G D E vnserm lieben H x x x n / alle  
Regenten vnd Oberkeits Personen ein solche Hoheit / Ehr vnd  
Gewalt / als zuvor gemelt / auch darinn glück vnd fortgang haben.  
Wie dem aber allen / So thut dennoch hie vnser Text ein trawrigen  
zusatz / mit dem er saget / Es werde nicht ewig vnd allzeit also werden /  
es werde die zeit kommen / daß sie wie andere Menschen sterben müß-  
sen / also / daß wenig vnterscheid zwischen grossen vnd gemeynen Leu-  
ten / ja auch wol zwischen frommen Regenten / vnd Gottlosen  
Tyrannen / was den eusserlichen schein des Todes anlangt / seyn  
werde.

Ihr werdet sterben / wie Menschen.

Wil hiemit die Hohen Potentaten zur Demuth vermäh-  
net / vnd für Mißbrauch ihres Stands vnd Gewalts / wie  
in gleichem vor sicherheit gewarnet haben / vnd so viel sagen:  
Es möge wol die Hochachtung vnd Wirdigkeit der Pers-  
sonen



3. Reg. 2.

Pfal. 146.

Gen. 3.

Sap. 7.

Syr. 40.

Pfal. 39.

Pfal. 33.

Pfal. 49.

Pfal. 62.

Esa. 40.

1. Pet. 1.

Iob. 8.

sonen so groß seyn als sie wölle/sie werden doch endlich gleich als andere schlechte Menschen sterben. Wie dann David der mächtige Könige selbst von seinem todt saget: Ich gehe den Weg aller Welt. Spricht auch im 146. Psalm: Des Menschen Geyst muß darvon/ vnd er muß wider zur Erden werden/alsdenn sind verloren alle seine anschlage. Hat hiermit ohn zweiffel gesehen auff die Worte/ da Gott Gen. 3. sagt: Pulvis es, & in pulverem reverteris.

Daß alle Menschen gleichen eingang zum zeitlichen Leben/ vnd gleichen aufgang haben/bezeugt Salomon im Buch der Weisheit am 7. Ich bin ein sterblicher Mensch/ wie die andern/ geboren vom Geschlecht der ersten geschaffenen Menschen/ ic. Weynen ist auch gleich wie der andern mein erste Stiim gewesen/ vnd bin in den Windeln auffgezogen mit sorgen/denn es hat kein König ein andern anfang seiner geburt/ sondern sie haben alle einerley eingang in das Leben/vnd gleichen aufgang. Hat derwegen recht vnd wol Syracides davon geredt/cap. 40. Es ist ein elend jämmerlich ding vñ aller Menschen Lebē von Mutter Leib an/biß sie in die Erden begraben werden/die vnser aller Mutter ist. Da ist immer Sorge/Forchte/Hoffnung/vnd zu lezt der Todt/ so wol bey dem/ der in hohen Ehren sitzet/als bey dem geringsten auff Erden/ so wol bey dem der Seiden vnd Kronen tregt/als bey dem/der einen groben Kittel hat. Hieher gehört ferrner/Psal. 39. Wie gar nichts sind alle Menschen/ die so sicher leben/ sie gehn daher/ wie ein Schäumen. Psalm. 33. Einen König hilfft nicht sein grosse Macht/ Ein Rife wirdt nicht errettet durch seine grosse Krafft. Psalm. 49. Ob er auch gleich lebet/ sterben doch die Weisen so wol als die Thoren. Psalm. 62. Menschen sind doch ja nichts/grosse Leut fehlen auch/sie wigen weniger denn nichts. Mehr zeugnuß hat man. Esaias sagt am 40. Omnis caro foenum, & omnis gloria eius quasi flos agri/Alles Fleisch ist Håw/ vnd alle seine Güte ist wie ein Blum auff dem Felde. Vnd wie es Petrus setzet: Alle Herrligkeit der Menschen/wie des Graß Blume: Beym Hiob sind dergleichen Klagsprüche viel: Als cap. 8. Wir sind von gestern



gestern her / wissen nichts / vnser Leben ist ein Schatten auff Erden.  
 vnd cap. 13. Wie ein faul Nas vergehe ich / vnd wie ein Kleid das die  
 Motten fressen. Das 14. cap. saget durchauß / von der Kürze vnd  
 Mühseligkeit des Menschen lebens : Dahin der Christliche Leser  
 gewiesen sey. Vnd im 16. cap. spricht er: Die bestimpte Jar sind kom-  
 men / vnd gehe hin des weges / denn ich nicht widerkommen werde.  
 Auch im 25. cap. Ein Mensch / der Made: vnd ein Menschenkind /  
 der Würme. Dis alles in ein Summa gefasset / redet der Prediger  
 Salomon also auß: Vanitas vanitatum, & omnia vanitas.

Weil dann gewiß / daß es vmb alle Menschen / sie seyen gleich  
 hohes oder nidriges Standes / was die Herkunft / Schwachheit /  
 gebrechlichen Leib / vnd endlich den Todt betrifft / ein gleiche be-  
 wandnuß hat: So sollen wir ernstlichen mercken / was davon der heil-  
 lig Bernhardus, vnd neben ihme Lilius Vincentius, gedenckwürdigs  
 geschrieben haben: Quid foetidius humano cadavere? Quid hor-  
 ribilius homine mortuo? Cujus erat in vita gratissimus ample-  
 xus, fiet in morte horribilis aspectus. Quid ergo profunt divi-  
 tia? quid deliciae? quid honores? Divitiae non liberant homi-  
 nem à morte: Deliciae non liberant à verme: honores non libe-  
 rant à foetore. Quia qui modò sedebat ornatus in aula, modò  
 sordet nudus in tumba. Qui modò versabatur in diliciis in  
 coenaculo, modò consumitur à vermibus in sepulcro. Das  
 ist / Was stincket mehr / als ein toder Menschlicher Körper? Was  
 ist schrecklicher / als ein toder Mensch? Welchen man bey Le-  
 ben gar lieblich umbsteng / dessen anschawung wirdt abschewlich  
 seyn. Was nuzet denn Reichthum / was Bollust? was Ehr?  
 Reichthumb hilfft den Menschen nicht vom Todte: Bollust  
 hilfft ihn nicht von Würmen: Ehr vnd Birde rettet in nicht vom  
 gestanck. Den / der jetzt wol daran war / vñ im Fürstensaal saß / stinck-  
 tu in der Gruben vnd hôle der Erden: Der jetzt in Bollust einher  
 schwebte / wirdt nu von den Würmen im Grab verzehret. Daß wir  
 Menschen seyn / vnd alle im dem theile gleich / hat Keyser Maximi-  
 lianus

De miseria  
 & fugacitate  
 humanae vi-  
 tae.

Maximil.  
 Imp.

D iij lianus



lianus erkennen können / da er gesaget : Homini cuique sum par  
 profecto homo : Quod impero , donum Dei est , non meum.  
 Welchs auff Deutsch sich also gibe :

Ich bin ein Mann / wie ein ander Mann /  
 Allein daß mir Gott die Ehre gan.

Diß sollen Herren vnd Knechte bedencken / Gott fürchten / auff  
 ihn trawen / vnd stets ire sterblichkeit betrachten. Folgt :

### Vnd wie ein Tyrann zu grunde gehen.

1. Para. 22.  
 3. Reg. 15.  
 2. Par. 16.  
 4. Reg. 22.

Hie meldet der H. Geist / daß dennoch bey den hohen Häup-  
 tern / welche Gott selbs zum Regiment bracht / vnd inen hohe Gaben  
 vnd Glück geben hat / viel Menschlicher Schwachheit vnd Sünde mit  
 vnterlauffen : Als solchs der Augenschein vnd die Erfahrung er-  
 weiset / daß kein Regiment auff Erden so wol vnd weißlich anges-  
 stellt vnd geführt werden kan / in welchem nicht / wo nicht allzeit / doch  
 bißweil / grosse mängel vnd gebrechen vorkommen. Wie dasselb in den  
 Historien der allerheiligsten Fürsten vnd Regenten / an dem Könige  
 David / 1. Par. 22. an Asa dem fünfften König nach David / 3. Reg.  
 15. 2. Para. 16. an Josaphat des Königs Asæ Sohn / 4. Reg. 22. vnd  
 so fortan / an mehren fürtrefflichen Helden / ais Hiskia , vnd Josia  
 zu sehen. Auch sind im Römischen Reich zwen Gottselige vnd Lobs-  
 liche Keyser gewesen / Constantinus vnd Theodosius , in welcher  
 Regierung es nicht allwegen schnurrecht zu gangen / wie ihre Histo-  
 rien melden.

Exod. 22.

Diß thue ich darumb hie anrüren / daß es vns nicht wundern /  
 noch allzugar verdriesslich seyn sol / ob sich gleich in den Regierungen  
 allerley fälle zutragen / auff daß wir vns recht darin lernen schicken /  
 vnd nicht den Göttern / das ist / den Oberherren / fluchen / noch die  
 Obersten im Volck lästern / so als wir andere einzele vnd Priuat-  
 personen sind / vnd sie dagegen unsere vnd des ganken Landes Last /  
 Statt / vnd Stand verwalten vnd tragen / wie von Mose / daß er  
 das Volck getragen hab / Num. 11. gesaget wirdt.

Daß



Das aber im Psalm steht: Sie sollen wie ein Tyrann zu grunde gehen/hat die meynunge: Der Psalm sagt von dem leiblichen Tode der Kinder des Höhesten/ vnd deren so vnter den Menschen Götter genennt werden. Das/ob wol in diesem leiblichen vnd zeitlichen Leben grosser vnterscheid ist/zwischen einem armen gemeinen Man/ oder sonst schlechten Menschen/ Item / zwischen einer Gottseligen frommen Oberkeit/vnd einem Gottlosen Tyrannen: So ist doch der leibliche Todt ein solcher gewlicher feind / der kein vnterscheid macht/ noch helt/ zwischen reichen vnd armen / zwischen guten vnd bösen/zwischen Herrn vnd Knechten. Es heisset:

*Et commune mori, Mors nulli parcat honori,  
Pauperis & Regis communis lex moriendi.*

Als wir auch lesen / daß der reiche Prasser so wol als der Arme Lazarus gestorben: Vnd daß der fromme König Josias so wol schändlichen umbkompt vnd entleibet wirdt/als der schnöde wüterich Ahab. Luc. 17.  
4. Reg. 23.  
2. Para. 35.

Vnd das ist/daß der Psalm sagt: Sie werden wie ein Tyrann zu grunde gehen. Dahin gehört/was im Predigen Salomonis gesagt wirdt: Es gehet dem Gerechten wie dem Gottlosen /es stirbet einer dahin wie der ander. Vnd sollen warlich die Regenten Gericht vnd Gerechtigkeit handhaben/wenn sie aber selbst dawider thun / haben sie schwere straff zu gewarten. Ecclef. Sal.  
cap. 7. & 9.

### Lehr auß diesem stück.

Zum ersten haben alle Menschen / in gemein / ohn vnterscheid hierauf zu lernen / daß es mit vns vnd allem vnserm thun vnd leben ein augenblick vnd ganz vnbständig ding ist / vnd hoch von nöthen / daß wir mit Mose/ auß dem 90. Psalm sagen: Lehre vns bedencken / daß wir sterben müssen / auff daß wir klug werden. Das ist/daß wir **G D E E** für augen haben / zum Tode vns bereiten / fest auff Christum trauen / vnd durch ihnen das ewige Leben erlangen. Als Moises im selben Psalm bald hierauff saget/ Psal. 90.

D iij Ers



Erfreue vns nun wider / nach dem du vns so lange geplaget hast / nachdem wir so lange Unglück leiden.

1. Reg. 26.

Heb. 13.

Gregorius.  
Augustinus.

Syr. 10.

Bernh.

So dann nun Richter vnd Oberkeit / vnd andere / sie seyn gleich was Standes sie wollen / sterben : sind sie freylich mortales vnd sterblich / vnd ist ihr Leben von Mutterleib an nichts denn nur ein lauff zum Todt. Vnd weil etliche Menschen eins natürlichen / etliche eins mit gewalt angelegten Todes sterben / 1. Reg. 26. Widerumb eins theils gähling vnd schnell / eins theils rühig vnd langsamlich dahin fallen : So ist wol ein gewisß Werck mit ihrem Tode / aber vngewisß / was die Stund / Stätt vnd Zeit belangt. Zun Hebreern steht am 13. Wir haben hie keine bleibende statt / sonder die zu fünffte suchen wir. Gregorius : In via sumus, qua ad patriam pergimus, nescimus horam exitus. Sed cur? Respondet Augustinus: Latet ultimus dies, ut obseruentur omnes dies. Ist so viel: Auff der Reyse vnd Wege sind wir nach vnserm Heymat vnd Vaterland / wissen nicht die Stund dessen end vnd außschritts. Warum das? Der letzte Tag ist vns verborgen / damit alle Tage in acht genommen werden. Wil derhalben vns allen gebüren / daß wir / in betrachtunge vnserer nichtigkeit / allen Stolz vnd Hohmut fallen lassen. Was erhebt sich staub vnd äsche? sagt Syrach am 10. Vnd sagt Bernhardus : Quid veste nitida gloriaris? Subter te sternetur tinea : & operimentum tuum erunt vermes. Was rühmest du dich in deinem schönen / herrlichen Gewand vnd Kleide? Vnter dich werden die Motten gestrewet / vnd die Würme werden dein Decklachen seyn. Innocentius de vili. hum. cond. Quid est, inquit, homo preciosè ornatus? Nil nisi sepulchrum foris dealbatum, intus autem plenum spurcitia. Was ist ein so köstlich gezielter Mensch? Nichts denn nur von aussenhero ein vertünchetes Grab / inwendig aber voll stancks vnd vnflätigkeit. Recht sagt der Poet:

*Vita quid est hominis, nisi vita nomen inane,  
Ventus & aura levis, pulvis, & umbra fugax?*

Vnd in Threnis oder Bweynungen des Simonidis liess

man



Leich vnd Trostpredigt.

33

man von der vnbeständigkeith Menschliches wolstands vñ glücks also: *ὄκεία ἔδε τανυπλερύς μίας ἕως ἀμετάστασις*, Celeris ne mulsæ quidem alas expandentis est mutatio. Nichts derwegen besser / denn daß wir vns ad placidam ex hac momentanea vita in agnitione Christi migrationem berentzen vnd schicken.

Zum andern/haben hie die Oberkeiten vnd Regenten vor sich sonderlich vñnd in specie allein / ein notwendige erinnerunge/wollen sie nicht / als Gottlosen Tyrannen wirdt gedræwet / vbel anlauffen oder zu grunde gehen/das sie/so viel ihnen Menschlich vnd möglich/demselben fürbawen / vñnd gedencken/das sie selbst Menschen seyn/ vnd ober Menschen zu gebieten haben/ia patres patriæ, das ist/Väter der Vaterlands heissen. In der heiligen Schrifft ist der Name des Königs zu Gerar Abimelech, das ist / pater mi rex, so viel / als Königlicher Vatter / der Königliche Vatter / oder / mein Vatter der König. Bey dem Homero wirdt ein frommer Fürst ἡπιότασις, mitis pater genennet. Vnd sagt Aristoteles: Similis est collatio regis ad subditos, patris ad filios, & pastoris ad oves. Wenn diß Christliche Regenten fürnemen vnd betrachten / wie ohn zweiffel viel frommer Fürsten vnd trew Lands Väter funden werden: Ist gewiß/ daß sie alsdenn auch Gott dienen/vñnd ihr Leben einen klaren Spiegel ihren vntergegebenen Leuten seyn lassen: Bewaren jr Gewissen gut vnd reyn/welches weit besser ist/weder aller eusserlicher glantz vnd schein / als davon Gottseliglich vnd Christlichen Nazianzenus geschrieben hat: *ῥαυτὶς φρενῶν μοι μάλλον ἢ βυθὸς τύχης*, Id est, Gutta mentis bonæ mihi carior est, quàm Abyssus fortunæ. Daraus auch dieses notwendig folget/das von solchen hohen Leuten kein Gewalt / sonder eingliche Justicia in vollem zwang vñnd in pietate exerciert vñnd getrieben wirdt. Ganz wol spricht man:

Wol Regieren lang besteht/

Tyrannisieren bald vergeht,

Sehr wol gefallen mir die Vers/ welche etwa ein fürnemer Herr/an statt seins Symboli gebraucht hat/welche also lauten:

☉ Justi-

Gen. 10.

Homerus.  
Aristoteles.

Nazianzenus.

Eb. ab H. Ep  
Lub. & Ver.  
Ab. Luneb.



## Leich vnd Trostpredigt.

*Justicia & pietas valide sunt principis arces,  
Nulla Tyrannorum vis diuturna manet.*

Also habt ihr das ander Stück.

## Das dritte Stück.

Gott mache dich auff / vnd richte das Land: Denn  
du bist Erbherr vber alle Heyden.

Wie wir vns nu in allen dingen auff dieser Erden vergenglichkeit  
vnd vnbeständigkeit halten / vnd wo wir Trost vnd Rath suchen  
sollen / Das lehret vns der heilige Geist in letztem dieses Psalmens  
versickel / vnd wil / daß wir zu vnserm lieben Herrn Gott fliehen / vñ in  
in einem herzlichem / demütigen vnd gläubigen Gebett vmb schutz  
vnd erhaltung der Regimenten / ja ganzes vnser lebens sollen an-  
ruffen. Laßt vns die Wort ansehen.

## Gott mache dich auff /

Pfal. 27.

Diß ist ein Gebett / daß Gott / wenn vns jederman verlässet /  
sich auffmachen vnd hülffe thun wölle : wie in gleichem David  
durch sein eigen vns erinnert / da er Gottes seins Herren sich tröstet /  
vnd saget : Mein Vatter vnd mein Mutter verlassen mich / aber der  
Herr nimpt mich auff.

## Vnd richte das Land.

Iudicare, heisset richten. Solches versteht die Schrifft pro  
regnare sive regere, herrschen vnd regieren / wie wir dann sprechen:  
Ille



Ille iudex est, id est, regnat, Sap. 6. Act. 10. Von diesem Wort / Re<sup>Sap. 6.</sup>  
gieren oder richten / lese man den 2. Psalm / daselbs sagt David: <sup>Acto. 10.</sup>  
Erudimini qui iudicatis terram, Lasset euch züchtigen ihr Richter <sup>Psal. 2.</sup>  
auff Erden / ist so viel als spräche er / qui iudices sive praesides estis in  
terra. Vnd saget der 135. Psalm: Der Herr wirdt sein Volck rich<sup>Psal. 135.</sup>  
tē / hoc est, iudex erit in populo. Dese Bitt ist gänzlich dahin gerich<sup>Psal. 135.</sup>  
tet / daß Gott selbs der Regenten Herzen regieren / vnd vber dem Rei  
giment vnd Policen kräftig vnd thätig halten wolle: Vnd solches  
darumb /

**Dem du bist Erbherr vber alle Heyden.**

Hie sehet er die ursach / warumb der Herr solchs wolle thun /  
sintemal er sich nicht allein des Jüdischen Volcks mit gnaden ange<sup>Syra. 17.</sup>  
nommen hat / als Syrach am 17. cap. In allen Landen hat er Herr<sup>Syra. 17.</sup>  
schafften geordnet / aber vber Israel ist er selbs Herr worden: Son  
dern / wie der ander Psalm sagt / auch die Heyden vnd der ganzen <sup>Psal. 2.</sup>  
Welt ende seinem Sohn zum Erbe vnd Eigenthumb gegeben: das  
mit er ihm darauß ein ewige Kirchen samtle / welche hie in diesem Le  
ben / in ordenlichen Regimenten / ihr Auffenthalt vnd Herberge ha  
ben muß.

Die Erbschafft oder Vntergebung der Heyden / bedeutet nit /  
wie den fleischlichen Jüden träumet / ein Weltliches Regiment oder  
Herrschafft vber die Heyden / sondern ein Geistliche verheissung  
vnd segen / welche Gott dem Abraham zugesagt / Patrem eum futu  
rum multarum gentium, vnd dasselb in seinem Samen / das ist /  
durch den Glauben an Christum / daß alle Geschlechter der Erden  
gesegnet würdē / das ist / daß sie durch die Predigt des Euangelij zum  
Glauben an den Sohn Gottes kommen möchten. In solchem ver  
stande wirdt auch im 45. 110. vnd 1. Pet. 3. vom Erbe geredet. Also  
sind die Christen vnd Gläubigen / Gottes / oder des Herrn Erb.  
Von welcher Geistlichen Erbschafft viel in der H. Schrift zu  
finden / vnd brauche David des Worts Hæreditas Dei vel Domini  
sonderlich: als Psal. 2. 3. 4. 5. 16. 78. 93. 126 / 26.



Es haben sich zwar (daß ich solches obiter gedencke/) viel bemühet/vnd durch ängstlich disputiren zu wissen begehrt/wie vnd was massen die Regimenten erhalten werden: Wenn man aber den streitbaren Helden Iosuaam anspricht/welcher den Geist des Herrn/vnd florentissimam Rem publicam gehabt/der gibt guten bescheid/spricht/Es werde vmb die Israeliten wolstehen/woferrn sie bey der waren Religion bestendig verharren/vnd Gottes Wort in ehren halten. Dasselb sollen wir auch lassen gesagt seyn. Vnd weil in diser dero Menschlichen naturen schwachheit/vnd in so grossen wüthen des Teufels/viel erbärmliche confusionses vnd *angustias* sich herfür thun: So sagen wir billich diese vnsers Psalmleins letzten Worte: Gott mache dich auff/vnd richte das Land/denn du bist Erbherr vber alle Heyden/vnd bitten den Sohn Gottes/daß er vns regiere/beware/vnd schütze/Verleihe vns ruhe vnd frieden in diesem Leben/vnd gebe ware Gerechtigkeit vnd Seligkeit im künfftigen ewigen Leben.

### Lehr auß diesem Stück.

Zum ersten lernen wir hierauf/daß wir vmb erhaltung willen der Oberkeits Regierung/Gott den Herren ernstlichen sollen anrufen/vnd nicht zweiffeln/vnser Gebett im Glauben geschehen/werde nicht fehl schlagen. Denn wo Gott vberm Regiment nit helt/oder sonst/es sey womit es wölle/die Hand nicht beut/ist alles verloren. Lauts dieser Versen:

*Nullus est felix conatus & utilis unquam,  
Consilium si non det q̄ iuuet q̄ Deus.*

Psalm. 127.

Der Psalm/Wo Gott der Herr nicht das Haus bauet/ie. welcher ist der 127. an der zahl/zeugt vnd deutet klar/welcher gestalt all mühe vnd arbeit/in der weltlichen Regierung vnd communi vita, vergeblich seyn/wo Gott nicht hilfft oder fortsetzet.

Regieren vnd haushalten ist warlich ein schwer ding/vnd kan nicht durch Menschliche flugheit allein bestehen/als der Prophet Jeres



Jeremias saget : Scio Domine, quod non est hominis via eius, nec viri est ut ambulet, & diriget gressus suos. Ich wensch/ Herr/ daß des Menschen thum stehet nit in seiner gewalt/ vñ stehet in niemands macht/ wie er wandele oder seinen gang richte. Drumb auch die vernünftige Heyden bekennē/ daß Menschliche wiß nit vermöge die last der regierung allein zu tragen/ wie dann bey dem Herodoto der Perser König recht gesaget : Da Gott das Regiment geführt / vñnd die Könige williglich gefolget / hab das Persische Reich zugenommen/ vñnd gedeyen gehabt. So ist das wort Platonis lib. 4. de Legib. warhafftig/ vñnd allen wolgelehrten nicht vnbeannt : Ubi non Deus, sed mortalis aliquis præest : ibi malorum nullum est aufugium. Werden derwegen wir durch gerührten 127. Psalm. wie auch in dieses vñsers Psalms letzten versiculo vermahnet/ daß wir beyd rath vñ that/ von Gott bitten/ Zweiffels ohne / wir werden erhört / von dem/ der da ist vñnd heisset ein Erbherr vber alle Völcker. Vñnd steht solchs auff dem beweiße : Da Moses betete / gaben die Amalechiter die flucht/ da er davon ließ / wichen die Israeliten. Auff Moisis Gebete gab das rote Meer den Kindern Israel ein freyen transitum vñnd durchgang. Der Apostel Iacobus beweiset mit dem Exempel Heliaz, daß das Gebete des Gerechten viel vermüge : allweil dem Gebet Heliaz der Himmel etlicher massen sich vnterworffen hat/ 2. Reg. 17. & 18. cap. mit regnen vñnd nicht regnen.

Zum andern/ werden wir hie gelehrt / daß Gottes Wort vñnd zusagen warhafftig vñnd gewiß sind/ derenthalben zu Gott in gemeinen vñnd besondern nöten/ wir vñns mit dem Gebete verfügen sollen : sintemal auß sonderlichem eifer hie gesaget wirdt / Gott mache dich auff/ vñnd richte das Land/ denn du bist Erbherr vber alle Heyden. Denn ehe Gott nicht solte halten/ was er zusaget/ es müsten ehe die naturen sich verwandeln/ vñnd zu solchem des Herrn Werck sich gebrauchen lassen. Saget derhalb Paulus auff die meynung/ Ephes. 4. Daß Gott vberschwenclich thun könne / vber alles das wir bitten oder verstehen : Da denn *ἀνεως* promissionum Dei zu mercken. Das bezeugt

E iij zeugt



Taulerus, zeugt auch der Spruch Tauleri: Mens hominis nunquam est tam avida ad accipiendum, quin Deus ad largè effusè que dandum longè sit propensior. Sollen wir also / es gehe vns alle zugleich an / oder ein jeder vor sich / zu Gott / tanquam ad sacram anchoram & portum tutissimum fliehen / Vnd solchs thun nach des Assaphi in diesem Psalm anweisung / vnd nach dem Exempel des frommen Josue: Der bate den lieben Gott einbrünstiglich vnd beharrlichen / daß er ihm vnd seinem Volck wolt zu hülff kommen / Brauchte bey seinem Gebett all solcher Geberden / welche bey den Orientalibus bräuchlich / zerschneid sein Kleid / vnd fiel auff die Erden: Alles darumb / daß Gott geehret würde. Gott sollen wir im Geist vnd Warheit anruffen / vnd ihm vnser Seelen / wenns ein scheiden seyn wil / in seine Hände befehlen. Vnd hiemit endet sich das dritte vnd letzte Stück dieser Predigt.

Ios. 7.

Iohan. 4.

Also haben wir bey diesem trawrigen Begängnuß des Christlichen seligen Abgangs / des weiland Durchleuchtigen / Hochgeborenen Fürsten vnd Herrn / Herrn Wilhelms / Landgraffen zu Hessen / vnser gnedigen Herrn / drey Stück nacheinander angehöret. Das erste / daß Gottsfürchtige Oberkeit vnd Regenten Götter vnter den Menschen / vnd Kinder des Höhesten seyn / vnd nicht so schlechte vnd gemeyne Leute. Das ander / daß sie wie ander Menschen auch sterben vnd die schuld der Natur bezahlen müssen / ob sie gleich hoch von Gott in dieser Welt erhaben. Das dritte / Wohin wir in dieser auff Erden mit vns Menschen grossen vbeständigkeit / hülff vnd trost suchen sollen. Da denn auch bey einem jeden / was darauffen zu lernen vnd zu behalten / vermeldet worden. Gott dem Vatter / vnd Christo seinem Sohn vnserm Herrn / sampt dem H. Geiste / sey Lob vnd Ehr mit hohem Preiß / Amen.

Bea



## Beschluß.

**A**llen nun zum Beschluß / meine lieben  
 Christen / vnd Außgewählten Kinder  
 Gottes / von vnserm in Gott entschlaffen  
 nen vnd ruhenden frommen Fürsten etwas  
 anmelden / vnd nach verrichtung dessen /  
 mit dem Gebete schliessen. Was derwegen Hochge-  
 dachten seligen Herren / dem wir sekund den letzten  
 Dienst geleistet haben / anbelangen thut : So kön-  
 nen wir nicht fürüber / noch mit stillschweigen verbey-  
 gehn / sondern müssen bekennen / vnd alleveranter  
 bezeugen / Daß wir an Hohermeltem Fürsten seligen  
 einen solchen Capitän gehabt / der mit Fürstlichen  
 hohen Gaben / als Gerechtigkeit vnd Warheit / Gü-  
 tigkeit vnd Beständigkeit / weisen Rath vnd tieffem  
 Verstande / als mit Pfeilen in der Hand des starcken / Pfal. 127.  
 gewapnet / vnd derhalb / neben andern Potentaten /  
 ein sonderlich Außbund vnd Zier / ja ein fest columna  
 vnd Seul des Römischen Reichs / gewesen. Darumb  
 er / wie alle Gottsfürchtige Regierer / ein Kind des  
 Höhesten ist / vnd zu rechnen vnter alle die / von welchen  
 gesaget wirdt : Beati mortui qui in Domino mo- Apocal. 14.  
 riuntur. Vnd ob er schon auch / als ein Mensch /  
 seine fehl vnd Sünde gehabt / für welchen die grö-  
 sten Heiligen nicht haben frey seyn mögen / vnd

E iiii vmb



Pfal. 38.

Esa. 49.

Dan. 4.

Pfal. 47.

Esa. 22.

umb vergebung derselbigen bitten müssen / nach besorgung des 32. Psalms: Hat er jedoch sein Sünd vnd Gebrechen von Herzen erkannt vnd bekant / Gott dieselben abgebetten / vnd dagegen des teuren verdienstes Jesu Christi sich getröstet. Wie dann auch in seiner schwachheit er mit herrlichen Trostsprüchen auß Göttlicher heiliger Schrift / bis er sein Geist auffgeben / vmbgangen. Die zeit seiner Fürstlichen Regierung hat er das angezündte Licht des Heiligen Euangelij / darinn S. J. G. geboren vnd erzogen / frey leuchten lassen / ob dem reynen vnerfälschten Wort fest gehalten / vñ ist ein Mehrer vñ Pfleger der Kirchen gewesen: Hat auch auß sonderlichem gnedigem erbarmen / die vmbder waren Religion vnd lautern Lehr willen vertriebene / Lehrer vnd Bekenner / auffgenommen / denen ihre Herberg vnd Auffenthalt geben. Diesem nach ist er gewesen der schöne Baum / davon im Daniele am 4. der vns überschattet hat / daß wir vnser nahrung gehabt: Er ist ein recht Schild der Erden gewesen / der sein Land vnd Leut für feindes noth beschützet / vnd guten fried gehalten: Er ist auch gewesen ein sonderlicher Nagel / daran nicht allein seine Vnderthanen / sondern auch die Benachbarten / vnd sonst exteræ Nationes, in grossen wichtigen vnd gefehrlichen Rathschlägen / sich haben sicher hangen vnd verlassen dörfen. Ober diesem vnverhoffent



verhoffentlichen Todtsfall tragē mit vnbilllich hohe vnd geringe Leute bekümmernuß vnd leyd : Sonderlich/ die junge gnedige Herrschafft / da dieselbe zum anfang der schweren Landsregierung ihres liebsten Herrn Vatters Raths am höchsten bedürfftig / vnd wir/die Vnderthanen/seiner auch in diesen sorglichen vnd geschwinden leufften von nöten / müssen entberen. Doch wie dem allen/so stehen wir in der gewissen Hoffnung/ Gott hab den Successorem vnd hinterlassenen Sohn / den jungen Fürsten vnd Landserben / mit Fürstlichem Geiste/Rechtchristlichem eifer / vnd hochreichem Verstande dermassen gesegnet / werde ihn auch ferrner also segnen / daß mit demselbigen aller dieser schade werde ersetzt werden : Darumb wir den Vatter aller Gnaden zu bitten haben.

Lasset vns auch nicht ein geringes seyn / daß ehe eins Jars außgange / drey hohe vnd fürneme Fürsten/ durch den Todt weggerissen. Vns erst / Herzog Christian/ Churfürst zu Saxon / den 25. Septemb. Anno 91. Darnach Herzog Johan Casimir / der Churfürstlichen Pfaltz Administrator den 6. Januarii , anfangs dieses 92. Jars : Vnd sekunder/ Herr Wilhelm/ Landgraff zu Hessen/ vnser gnediger Herr / alle Christmilter gedächtnuß. Denn allezeit nach absterben hoher Häupter/ vnd ansehenlicher tapfferer Leut/grosse mu-

S tationes



tationes vñ veränderungen zu folgen pflegen/ als die  
 Exempel Ambrosii des H. Bischoffs / Herzog Friede-  
 richs zu Saren / Item D. Martini Lutheri / vnd an-  
 derer außweisen. Gott wölle seinem Lande gnedig seyn/  
 vnd vns / daß wir from werden / gnad geben. Zweiffelt  
 aber nicht / dieser dreyer Fürsten Seelen seyn durch die  
 Hand des Allmächtigen im Bündlin der lebendigen/  
 1. Sam. 25. eingebunden : Die Leibe aber ligen im  
 Grabe / vnd sind todt vmb der Sünde willen / Rom.  
 5. & 6. vnd müssen ex Dei decreto, Gen. 3. zur Erden  
 wider werden / davon sie genominen : Werden aber  
 am Jüngsten Tage / wenn Gottes Posaunen angehn/  
 vñ unverweßlich / vnd in Hümlicher Klarheit herfür gehn.  
 Vnd denn mit Seel vñ Leib / bey ihrem Erlöser  
 Christo / bey allen seinen H. Engeln / vñ bey allen  
 Seligen vñ Christgläubigen Menschen / in ewigkeit  
 leben.

Hochermeldtes vnser wolverdienten Landsfür-  
 sten laudes, & res in pietate & Heroica virtute  
 gestas, aller gebür vñ billichkeit nach / an tag zu ge-  
 ben / Werden sich andere vñ höher begabte Män-  
 ner herfür thun. Sey also dieses für vnser einfalt dis-  
 mal genug. Wöllen nun hinforter viel hochgerürten  
 vnsern gewesenen Herren / der Gnaden vñ Herrlig-  
 keit vnser H & R R N G Otts / so ihu in Christo  
 auff



auffgenommen hat/befehlen/Vnd sagen mit dem Hiob:  
 Der HERR hats gegeben / der HERR hats genommen / es ist geschehen / wie der HERR E wolte.  
 Sein Name sey Hochgelobet. Die Göttliche Allmacht wölle S. S. G. hiernechst an dem herrlichen Tage mit allen Christgläubigen ein fröliche Vrstand verleihen/Amen.

## Lasset vns Beten.

**A**lmächtiger / Ewiger Gott / Erschaffer  
 Himmels vnd der Erden / auch ein Vater  
 vnsers Herrn Jesu Christi. Wir sagen  
 dir mit ganzem demütigen hertzen lob  
 vnd danck / daß du vnsern geliebten  
 Herrn vnd Landvattern / Herrn Wilhelm / gewesenen  
 Landgraffen zu Hessen / ic. deinen Diener /  
 in deinen Gnadenbündt / vnd also in das Reich  
 deines lieben Sohns / durch die heilige Tauff / auß  
 lauter Barmherzigkeit angenommen hast: Vnd hernacher  
 ihn durch deine grundlose Güte darzu aussers  
 sehen / daß er vns ein raume zeit hero Fürstlich für  
 gestanden / vnd als ein wehrder Schatz so gnedig  
 lich im Regiment gegönnet worden / biß er / nach vol  
 endetem seinem Lauff / in warhafftiger Erkenntnuß /

S ii Be



Bekennnuß/vnd Glauben / dein vnd deines Sohns  
 Jesu Christi/von vns genommen/vnd ins ewige Reich  
 vnd Himmlische Fürstenthumb heymgeholet worden.  
 Darumb wir gewiß/sein Seel sey bey dir/vnd werdest  
 seinen Leib zu seiner zeit wider aufferwecken zur ewigen  
 Frewde vnd Herrligkeit/auff daß Seel vnd Leib wi-  
 derumb vereiniget dich preisen vnd mit dir leben.

Wir bitten dich Hertzlich / O du getrewer Gott/  
 durch Jesum Christum deinen einigen lieben Sohn/  
 vnsern Heyland/du wöllest dein Wort vnd Kirch / so  
 dir in diesem Bralten vnd löblichen Fürstenthumb ge-  
 samlet/nicht lassen vndertreten/sondern in dem Fürst-  
 lichen Hause der Hessischen vier Löwen / vnd dreyer  
 Sternen / das Wort Liecht deiner Göttlichen warheit  
 erhalten.

Vnd damit wir dazu desto besser vertrauen ha-  
 ben/So wöllestu vnsern jungen Fürsten vnd gnedigen  
 Herrn/Landgraff Morizen / zu seinem numehr anfa-  
 henden Regiment heyl vnd segen geben/bey der rechten  
 vnd waren Religion vnd Lehr / darinn er von jugent  
 auff trewlich erzogen / vnd sich dazu bekennet/fest be-  
 waren: Wöllest ferner seiner F. G. mit troste setzt zu-  
 setzen/vnd ir des Ezechiaë/Josaphats/vnd Josiaë Geist  
 verleihen/den seligen Fußstapffen ihres Herrn Vatters  
 zu folgen / vnd das junge Fürstliche Hertz/ vor Absol-  
 oms



loms vnd Roboams Geist gnediglich behüten. In  
gleichem wöllest auch die drey Fürstliche junge Fräw-  
lin/Fräwlin Hedwigen / Fräwlin Sabinam / Fräw-  
lin Christinam / vnd ihre liebste Fraw Schwester/  
Fraw Annam Mariam zu Nassaw / ic. sampt ihren  
Herren Vettern/Freunden vnd Verwandten / trösten/  
vnd ihre traurigkeit mit gnaden in freuude verwan-  
deln. Endlich bitten wir / du wöllest den Fürstlichen  
Räthen vnd Dienern/des Josephi, Danielis, vnd  
Obadiae Geist geben: Die Achitopheles, Hama-  
nos vnd Doegos, zu nachteil vnsern Kirchen/ Schu-  
len/vnd ganz gemeinen Vatterlands / nicht einwur-  
zelen lassen. Damit wir ja vnter einem Gottseligen  
wolbestelleten Regiment / an Seel vnd Leib befriedet/  
von frembder Herrschafft vnedrängt/vnd mit im/vn-  
serm künfftigen Regierenden Herrn/vns freuen / den  
ewigen Gott allezeit loben vnd preisen.

Solchs verleihe vnd gib vns / du Ewiger All-  
mächtiger Gott/erschaffer Himmels vnd Erden / vmb  
Jesu Christi vnseres Königs vnd Hohenpriesters wil-  
len: Der mit dir waren Gott/ vnd dem h. Geist  
lebt vnd regiert / ein einiger/ewiger/vnd  
warhafftiger Gott/in alle ewig-  
keit/Amen.





M E M O R I A E  
*Sanctissima & laudatissima,*  
MAGNANIMI HEROIS, PRINCIPIS  
ILLUSTRISSIMI, DOMINI VVILHELMI  
Landgravii Hessorum, &c.

**I**nclita Guilhelmi tibi vis si principis acta  
Et vitam, memorem carmine scripta brevi:  
Hac qua iustus Amor, pia qua Subiectio poscit,  
Qua Dolor & Pietas Officiumq<sub>3</sub>, legas.  
Principe digna viro: Pietas, Clementia, Virtus,  
Candor, & Integritas, religionis Amor:  
Vera Fides, Mens sana, decens Misericordia, Sancti  
Sancta Ministerii Cura, Laborq<sub>3</sub>, Vigil:  
Hinc animusq<sub>3</sub>, tremens, anima & conspersa cruore  
Christe tuo puro, purificata fide:  
Pro grege desudans pectus, pro lege laborans,  
Regis ut Alphonsi Symbolon illud habet:  
Pacis amans tuta, pia tuta munera pacis,  
Otia laurigeræ pacis amœna (dolor):  
Arbor amata Deo, quo de in Daniele Prophetæ  
Subdita gens cuius tegmine firma stetit:  
Quod super & proceres & maxima nomina terra  
Emicuit scutum, grandia sceptræ, grave:  
Cuius & indigenæ & peregrini inopesq<sub>3</sub>, popelli  
Consolatrices sustinuere manus:  
Robur & Auxilium, Clavus benè fixus, Asylum,  
Munimen, clypeus, fama, perenne decus.  
Lucida Romani valdè quoq<sub>3</sub>, fida Corona  
Imperij, splendens & Diadema sacri:  
Quinetiam patriæ pastorq<sub>3</sub>, paterq<sub>3</sub>, fidelis  
Cætiadum decus & pulchra columna domus:

Europa



Europa Columnen, Murusq; & Teutonib; ora:  
Principe digna viro: hinc contumulatajacent.  
Unde nec immerito queras: Cur invida Fata  
Noluerint nobis hoc superesse caput?  
Indigni fuimus nos tanti Principis usu,  
Assueti vitijs qui mala turba sumus.  
Hinc Deus invidit caput hoc tam nobile nobis,  
Quod gravitate pium, quod pietate grave.  
Cumq; velit mundo meritas immittere poenas:  
Venturis Sanctos eripuisse solet.  
Principis hinc igitur cineres atq; ossa quiescant,  
Donec in extremo vivificata die  
Iuncta anima superis in sedibus omne per avum  
Dulcia promissa tempora lucis agat.  
Christe gubernatum princeps, ter maxime Christe,  
Quem Sathanas, homines, quem polus ipse tremis.  
Mauricio, petimus, tribuas foelicia regni  
Tempora, qui proles digna & honora patris.  
Suffice praestantes vera pietate ministros,  
Qui tua in his terris munia celsa gerant.  
Has etiam terras fidis tueare sub alis  
Pax vigeat, legis vox utriusq; sonet.  
Sic tuus & summi patris & spiraminis almi  
Vivet in aeternum Gloria, Nomen, Honos.

Stephanus Mantelius pastor Helmers-  
husensis faciebat.


Gloria lausq; Deo.



Faint, illegible text, possibly bleed-through from the reverse side of the page. The text is arranged in several lines and is difficult to decipher due to its lightness and the texture of the paper.
















12

st vnd Leichpredigt/  
 e Obrigkeiten Hoch  
 von ihrer vnd aller Men  
 vnd / weil alles vergänglich/  
 willen der Regiment  
 ens zu fliehen.  
 XII. Psalmen.

urigen Be=  
 Abscheids auß die  
 Durchleuchtigen / Hoch  
 d Herrn / Herrn  
 E L M I,  
 n / Grauen zu Ca  
 enhain / vnd Nidda / ic.  
 ter Gedächtnuß.  
 hausen / in gegenwart  
 rgerschafft vnd Ges  
 nb. Anno 1592.

ANTELIUM B.  
 selbstnen.

urch Paulum Egenolff/  
 D. XCIII.